



Vuk'uzenzele

INEMIKHA-
NGISO YEMISE-
BENZI

NGEYASIMAHLA

Uyethulelwa ngezokuThintana nokuNikela ngeLwazi kukaRhulumende (GCIS) isiNdebele/English

UKhukhulamungu 2015



**Yazi
iKhansela
lakho**

Ikhasi 10



**I-Ofisi
yeGcwetha
lemiNdeni
iqalelela
abentwana
qangi**

Ikhasi 14



**I-Afrika
ingaba
mdosiphambili
ngobukghwari**

Ikhasi 15

Isikolo esitjha sompha- kathi wePhola ese- Mpumalanga



Isikolo sesimanjemanje lesi i-Makause Combined School esingathatha isibalo sabafundi esifikela ku-1 200 sakhiwe ePhola, eMpumalanga.

Noluthando Mkhize

I-Makause Combined School, sakhiwe ePhola eseMpumalanga, silethe ithemba emphakathini ngokuqinisekisa ukufikelelwa kwefundo.

Isikolo sesimanjemanje lesi esakhiwe ngeengidi ezima-R74 sibe mambala ngomphumela wetjhebiswano lomNyango wezeFundo esiSekelo nekhampani yeemayini i-Glencore.

Isikolo lesi sibe yingcenywe yephrojekthi ekulu lapho i-Glencore yafudusa imindeni eli-120 emaplasini we-Tweefontein ukuya ePhola, njengengcenywe yePhrojekthi yokuKhuliswa kwe-Tweefontein.

Iphrojekthi le ijamele ukusiswa kweemali eziingidi ezibunane yi-Glencore, ngokuqatjha kwabasebenzi abasebenza ngokuzeleko abama-780, ekhiqiza amathani wamalahlathengisekako aziingidi ezibunane ngonyaka. Ngesikhathi sokwakha, iphrojekthi le yavula iinkulungwana zemisebenzi engaphezu kwezii-2 600 namathuba abalwako wamabhizinisi kibosomabhizinisi bendawo ngokuthenga ipahla ekhiqizwe ngelizweni.

Iphrojekthi le ifaka godu ihlelo lokwakhi-

wa kwezindlu elaqedelelwa ngenani elingezelweko leengidi ezima-R70 elizakuhlalisa imindeni eyafuduswako engaba li-120.

UKUVUSELELWA KWETHEMBA

Isikolo lesi esakhiwe phakathi kwezindlu lezi zakhiweko, sitjheja abentwana bamagreyidi apha ukufikela kabamagreyidi wesekho-ndari. Sineenkumba zokufundela ezima-32, amalabhorathri wesayensi, isikhungo semisetjhenzana yangekhaya, amatjhabhu wekhuni nesimbi, ilayibhrari, isentha yemitjhi-ningqondo neholo efaka abafundi abayi-1 200.

U-Amos Shali Mahlangu selokho ayihloko yeMakause iminyaka ema-32 begodu ubone amatjhuguluko weminyaka eminingi ngesikolwenesi.

UMahlangu wathi, “Ngaphambi kokufuduswa kwethu, sasigade sise-Tweefontien egade kumphakathi wemaplasini olimako nosebenza eemayini. Lokhu bekukatelela abantwana ukukhamba amakhilomitha angaphezu kama-40 ukufika esikolweni, gade basebenzisa iintuthi ezihlelwe mNyango wezeFundo esiSekelo.”

Ukusukela ekwakhiweni kwesikolo nezindlu abantwana sele bakhamba ibanga elingaphasi kwekhilomitha ukuya esikolweni.

UMahlangu wathi, “Tkinga ekulu esikolweni sangaphambilini gade kukulova begodu nabalelethi bangazitshwenyi ukuza emihlanganweni yesikolo ngonobangela webanga elide egade kufanele balikhambe. Selokho bafudukako, izinga lokulova lehlile begodu abazali abanengi bayeza emihlanganweni yesikolo”.

UPhillip Maimela, usihlalo womkhandlu olawula isikolo, unabantwana ababili abafunda isikolo, unabantwana ababili abafunda isikolwenesi. Wathi uthabe tle ngomakhiwo omutjha lo nokobana abantabakhe bafumane ifundo efaneleko.

Ungqongqotjhe wezeFundo esiSekelo u-Angie Motshekga, owakhambela umnyanya wokuvulwa kwesikolo wathi lokhu kuzakuletha amatjhuguluko abonakalako emaphilweni wabafundi laba.

Ungqongqotjhe u-Motshekga wathi, “Ukusisa kwezefundo kwezingeli kutjengisa ukuzinikela kwe-Glencore ngekusasa lelizwe. Kukulokha nasihlanganyelako singurhulumende, amabhizinisi neenhlango zomphakathi kobana singarathula iinqabo zokungalingani.

“Ukuze abantwana basebenze ngepumelole, batlhoga ibhoduluko elikhuthazako begodu isikolo lesi sizakuba sibani esivuselela ithemba emphakathini woke”.

Imisebenzi, iinkumba nezamaphilo zamadorobha weemayini

Urhulumende ubekele ngeqadi amabhiliyoni ali-R18 ukuthuthukisa izinga lepilo lamadorobha weemayini afadaleleko ngezizweni mazombe.

Iphrojekthi le edoswa phambili yiKomiti eHla-nganyelwe boNgqongqotjhe (i-IMC) eqalene nokuvuselela imiphakathi yeemayini, amaphrojekthi la afaka hlangana ukwakhiwa kweenkumba newezepilo ehle.

UMengameli u-Jacob Zuma mhlapha nje uthethe, “Okungenani amabhiliyoni ali-R18 abekelwe ngeqadi emsebenzini oragako emiphakathini yamadorobha weemayini afadaleleko, okuzakuphumelelisa iimfunda ezilandelako: IPumalanga Kapa, iFreyistata, i-Gauteng, iKwaZulu-Natala, i-Limpopo, iMpumalanga neTlhwagwini Tji-ngalanga”.

UMengameli wamemezela kobana umNyango wezokuHlaliswa kwabanTu, ngokusekelwa maejensi wawo, uphumelelisa amaphrojekthi wombuso alinganiselwa kama-66 wokwakhiwa kweenkumba emadorobheni ali-15 atjhejweqangi.

Enyakeni weemali wee-2014/2015, kwasetje-nziswa ngaphezulu kweengidi ezima-R419 kusabelomali esibekelwe ngeqadi nofana siseyingcenywe yenani loke ezakusetyenziswa emadorobheni weemayini atjhejwe qangi eLimpopo, eFreyistata, eGauteng, eMpumalanga neTlhwagwini Tjhingalanga.

Inani elilinganiselwa kubhiliyoni libekele ngeqadi unyaka lo weemali. Kulindelwe kobana imali le izakusetyenziselwa amathuba wokwakhiwa kweenkumba ezilinganiselwa kunkulungwana ezili-19 000.

Ngaphezu kwesibonelelo sezokuhlaliswa kwabantu esibekelwe ngeqadi, emadorobheni weemayini, ama-Ejensi womNyango wezokuHlaliswa kwabanTu anikela ngemali engaphezu kwebhiliyoni ekwakhiweni kweendawo zokuhlaliswa kwabantu emadorobheni weemayini.

UMengameli uZuma wathi iminyango karhulumende ethile itlama amaphrojekthi wamabubulo amakhulu namancani emadorobheni weemayini ali-15.

Wathi mathuba aqakathekileko woku-vula amabhizinisi nemisebenzi.

Wathi unethemba kobana isikolo lesi sizakuveza iinkghwari ezidingekako ukuragela iSewula Afrika ezingeni elilandelako siphembe ukukhula komnotho.

UmPhathi oyiHloko (i-CEO) ye-Glencore SA Coal u-Clinton Ephron, wathi: “Si-

> Iyaraga ekhasini lesi-2

OKUMUMETHWEKO

UMengameli uZuma ukhuluma nabafundi



UMengameli u-Jacob Zuma ukhulumisana nabafundi be-Tshwane University of Technology.

Maselaelo Seshotli

UMengameli wafumana ithuba lokuzibonela ubujamo balapho kuhlala khona abafundi evakati-jhweni lakhe lamhlapha eTshwane University of Technology, engetlhagwini yePitori.

Ivakatjho leli laba yingcenywe yehlelo likarhulumente lokuHlola nokuTjhejisisa kukaMengameli nehlelo leNyanga yeLutjha, elalitjheja zefundo, ukuthuthukiswa nokuvulwa kwemisebenzi.

UMengameli uZuma wathi, “Safumana iinghonyo ezibuya kubafundi ngobujamo obumbi bamakamura neendawo zokuhlambela emalawini wabafundi abasikazi. Begodu safumana neenghonyo ngamathaveni athengisela emasangweni eyunivesithi le, kungakho bekuqathekile

kithi ukuzibonela ngokwethu okwenzekako”.

Wakhulumisana nabafundi wakhambela iindawo zokuhlala abafundi abaduna nabasikazi. Abafundi baveza ukudana kwabo ngobujamo obumbi abahlala ngaphasi kwabo nokutlhayela kokuphepha okunetlha.

Abafundi bakhulume nangokutlhogeka kweesekelo leemali eemfundweni zabo, okusitjhijilo esiqalene nenengi lelutjha ngelizweni.

UMengameli uZuma wathi, “Siyathaba kobana abantu abatjha balambeke ifundo ngendlela le ngelizweni lekhethu begodu kufuze thina njengorhulumente siqalene nesitjhijilwesi ngefanelo”.

ULindokuhle Manne (oneminyaka eli-18), ofunda unyaka wokuthoma we-*Business Communication* wathi umraro wakhe omkhulu lisekelo leemali.

UManne wathi “Akusibo boke abafundi abakghona ukufikelela isizo lesiKhwama seNarha seSizo leeMali kubaFundu. Lokhu kusilimaza khulu”.

I-BETHESDA FOUNTAIN CHURCH

UMengameli wavakatjhela iKerege ye-Bethesda Fountain, esele kusiphephelo sabafundi ababhalwa kufumana iindawo zokuhlala ngesikolweni.

Ikerege le ihlalisa abafundi abalinganiselwa kabama-70. Omunye wabafundi laba ngoneminyaka ema-20 uNkosingiphile Sibeko.

USibeko wathi “Amalunga wekerege babantu abanetjhejo abasitjengise ubuntu”.

UKUHLOMISA ULUTJHA

Ikhambo likaMengameli laphelala e-Botho Socio-Psychology Centre, okuyisentha

ethuthukisa amakghonofundwa welutjha esele ilawulwa yiyunivesithi.

UmPhathi weSentha u-Stevens Lodi wathi, “Sekuminyaka isentha le isiza abantu abatjha abanengi emphakathini kobana bafunde amakghonofundwa batjhugulule namaphilo wabo ngokubasusa eentradeni babanikele ithuba lokuzenza ngcono”.

Isentha le, enikela iimfundo ezihlukileko, isekelwa mNyango wezokuThuthukiswa komPhakathi begodu usiza nelutjha leminyaka ehlangana neli-18 ukuya kema-35.

U-Comfort Mnisi (oneminyaka ema-21) othome ukufunda esentha le ekuthomeni konyaka lo selaqede isifundo sokuthuthukiswa kwamakghonofundwa wezehlalakuhle kanti uraga ngeemfundo zokubandula ngomtjhi-ningqondo.

UMnisi wathi, “Ngaphambi kokuza kwami e-Botho gade ngingenzi litho. Njenganje nginomnqopho ngepilo ngizakukghona ukuraga ngepilo ngamakghonofundwa engiwafumene lapha”.

UKUNGENELELA KUKARHULUMENDE

Iminyango karhulumente namaziko wayo asebenze khulu ukutjhejana neenghonyo zabafundi. Lezi zifaka hlangana:

- > UmNyango wezabaSebenzi utlame ibuthelelomagama ekutloliswa kilo ilutjha elingasebenziko nokusiza ngokufumana umsebenzi ngesizo labaSebenzi bezokuQatjha ngendaweni leyo.
 - > IButho lamaPholisa weSewula Afrika (i-SAPS) lethule ihlelo lokubandulelwa emsebenzini kwabafundi abali-15.
- UMengameli uZuma wakhuthaza umphakathi ukusiza abafundi bafumane iindawo zokuhlala wathi inengi labo lizimisele ukubhadela imali yokuqatjha nabangafumana indawo yokuhlala.
- Ivakatjho leli libe yipumelelo ngeendlela ezinengi ngombana kwatjhejwa bekwame-nyezelwa iindlela eziqakathekileko eziyipengu.

Ukwakha izindlu zekusasa elikhanyako



UNgqongqotjhe uFaith Muthambi usiza ngokwakhiwa kwenye yezindlu azithembise imindeni emihlanu.

Thandeka Ngobese

Lokha uNgqongqotjhe wezokuThintana u-Faith Muthambi avakatjhela e-Willow Fountain nge-Pietermaritzburg, KwaZulu-Natal, ngesikhathi semBizo kaMengameli ngoKhukhulamungu enyakeni ogadungileko, wathinteka emoyeni ngomthlago oqalene nomphakathi wendawo leya.

Wathembisa imindeni ethile kobana uza-kwenza okuthile ukubasiza batjhugulule amaphilo wabo.

Ngomnyaka wee-2015 uNgqongqotjhe uMuthambi besele afeze isithembiso sakhe.

Ngesikhathi semBizo kaMengameli uNgqongqotjhe uMuthambi wathunywa kobana akhambela umuzi nomuzi ngejima lokulethwa kwezenzelo ngendaweni leya.

Ekuboneni kwakhe amatluwo wezinga lepilo yezakhamuzi, uNgqongqotjhe wazitholela iwadi ye-14 wakhomba imindeni

elikhomba etlhoga iinkumba. Inengi lemindeni le lihlala ngokuminyana eenkumbeni zedaka.

UNgqongqotjhe wathi, “Ngithabile kobana umasipala uzibophelele ukwakhela imindeni emihlanu iinkumba. Ngiphumelele ukufumana abasekeli bokuqedelela ezinye ezimbili. Abosokotraka bathe-mbise kobana zoke iinkumba ezinamakamura asithandathu zizakuqedwa ukwakhiwa eemvekeni ezimbili. Umasipala uzakunikela ngeensiza ezifana negezi, amanzi nenenitjharu yeenkumba.”

Iphrojekthi le yokwakhiwa kweenkumba lezi ivule amathuba wemisebenzi alitjhu-mi.

Omunye wabamukeli uMlandeli Madondo, oneminyaka ema-53, wathi gade ahlala nabantu abalithoba endlini yedaka eneenkumba ezintathu. UMadondo wathi, “Akunabusithelo

lapha begodu siziphilisa ngamatorho. Sithabile kobana urhulumente ubuyise isithunzi sethu nokusakhela ikumba le. Ngithloga amezwi aneleko wokuthokoza uNgqongqotjhe uMuthambi”.

Omunye umamukeli uSanele Mathe, oneminyaka eli-19, wathi besele ngiphela ihliziyo kobana ikumba etja iphela nini ukwakhiwa.

Wathi, “Sihlala ngekumbeni yamakamura amabili le sili-15 begodu akunabusithelo. Sithabe khulu ngekumba ehle le”.

UKUTJHUGULULA AMAPHILO

Umpakathi awusakhambi amabanga amade ukufumana i-inthanethi ngombana isisetjenziwa lesi sifumaneka eduze khulu ngesizo lomNyango wezokuThintana.

Nakethula ikulumakhe yokuvula isentha, uNgqongqotjhe uMuthambi wathi ngemva kokuvakatjhela iindawo le, wafumana kobana abantu abatjha abanengi bebayaluka eentradeni ngesikhathi sokufunda.

Isentha yemitjhiningqondo etja le inqophe ukutjhugulula khulukhulu indlela ilutjha elisebenzisa ngayo isikhathi sayo, batjhugululelwe ekubeni malunga womphakathi anobubhadekelo.

UmNyango wezokuThintana, ngokusebenzisana ne-Vodacom, wavula ngokomthetho isentha enemithiningqondo ema-21 anethungelelwano le-inthanethi elisebenza ngezinga eliphezulu elizakusiza ilutjha eendaweni zemakhaya ukuthintana nephasi.

UNgqongqotjhe uMuthambi wathi isentha yemitjhiningqondo yesimanjemanje le izakufundisa abantu amakghonofundwa

[Isikolo sesimanjemanje somphakathi weMpumalanga] > Iraga isuka ekhasini loku-1

yazikhakhazisa ngokunikela isikolo lesi emNyangweni weFundo esiSekelo. Isikolo seMakause sisitjengiso sokuzinikela kwethu kwiSewula Afrika nemiphakathi yendawo lapho sisebenza khona.”

Wangezelela ngokuthi, “Ifundo ehle isiza ukunikela ukwakha isisekelo esiqinileko sabentwana kobana bafikelele emakghonweni wabo.”

azakuba lisizo kibo nabafuna imisebenzi.

“Isentha le izakuvula amathuba wemisebenzi yelutjha elima-20 abazakusebenza njengababanduli esentha leyo. Abatjha ababili sebamhilele ukubandulwa yi-Vodacom kobana babandule abanye. EKulumenakhe ngobuJamo beNarha uMengameli u-Jacob Zuma wathi itjhebiswano lombuso namakhampani wangeqadi liyipengu ekulethweni kwezenzelo, namhlanjesi sijame sibofakazi bamambala wamezwi kaMengameli,” kwatjho uNgqongqotjhe uMuthambi.


UViwe Soga, omluleki we-Vodacom mayelana noRhulumente weemFunda neweKhaya wathi ikhampani ifakele i-Wi-Fi ngesentha le begodu izakunikela ngamadatha ayi-2GB qobe nyanga bekuphele iinyanga ezili-12.

U-Soga wathi, “Lokhu kusithabisa khulu ngombana kusitjengiso sokuzinikela kwethu ekuqinisekiseni kobana i-Vodacom ibeka amandla nokufumaneka kwe-inthanethi ezandleni zawo woke umuntu”.

UNgqongqotjhe u-Muthambi wanikela ngejinifomu yesikolo ebantwaneni abalikhomba bemindeni edobha phasi. Wakhuthaza umphakathi kobana utlhogomele iinsetjenziwa owakhelwe zona.

ZOKUPHEPHA NOKUVIKELEKA

I-Ofisi yeGcwetha lemiNdeni iqalelela abantwana qangi



Samona Naidu

I-mibango eminengi yelungelo lokukhulisa abantwana, yemilandu yokulamula nokwetjiwa kwabantwana okuhlubayeze iSewula Afrika kugcina ngokobana abantwana babe bongazimbi.

Sekuminyaka i-Ofisi yeGcwetha lemiNdeni (i-OFA) lisebenzela ukusiza abantwana abangakaphephi nabanganandlela yokuzijamela bafumane ubulungiswa simahla.

I-OFA edoswa phambili ngu-Adv Petunia Seabi-Mathope, isebenza ngaphakathi komNyango wezoBulungiswa nokuVuselelwa kweeMilo. Isebenza njengomkhakha womthetho wemindeni ongathathi ihlangothi nomeluleki wekhoti emilandwini yokukhuliswa kwabantwana namalungelo wababelethi. Litlama amaqhinga wokukhulisa abantwana babelethi, lihlahluba umkhumbulo wabantwana ngokusizana nabonohlalakhule begodu liyalamula hlangana nemindeni lapho ipilo yomntwana isebudisini.

“Indima yethu ekulu kuvikela nokukhuphula izinga lokutjhejwa kwetjisakalo yabantwana ngeSewula Afrika.

“Ubukhona be-ofisi yethu kutjengisa ukuhlonitjwa kwabantwana njengehlangothi eliqakathekileko emphakathini wethu nokutjengisa ukuzimisela kokuvikelwa kwabantwana abangakaphephi ukuya ngokomthetho wamakhaya neemvumelwano zeentjhabatjhaba ezitlikitlwe yiSewula Afrika kurhulumente,” u-Adv Seabi-Mathope.

I-OFA, ezokugidinga umnyaka wama-25

emnyakeni ophezulu lo, igunya layo gade lirlhunyaziwe nama-ofisi wayo angasimanengi.

Ngokwethulwa komThetho wabaNtwana, 2005 (UmThetho Nomboro 38 wee-2005), imisebenzi ye-OFA yanatjiselwa kibo boke abantwana ngelizweni, kufaka hlangana nabantwana abathinteka embangweni wesondlo nenturhu yekhaya.

“Sathoma ngama-ofisi wamagcwetha wemi-ndeni asithandathu, namhlanjesi sinama-ofisi angaphezulu kwama-25 namagcwetha wemindeni ama-90 ngelizweni mazombe begodu sisebenza ngemilandu engayi ekhoti lapho silamula khona,” kwatjho u-Adv Seabi-Mathope.

Umlandu ongangeni ekhoti ngiloyo ekukhukunyiswana ngawo uqedwe ngaphandle kokuya kumarhastrada, begodu ufaka ubufakazi obunikelwa mntwana. Kanengi lokhu kusiza ukuphungula imilandu yekhoti.

I-OFA isiza imindeni kobana amaofisi wayo asebenziseke lula ukwenza abantwana nemindeni bazizwe baphephile okuba lisizo kobana i-OFA yenze umsebenzayo ngokuzeleko.

Isibonelo se-OFA sendlela eyamukeleka lula ebantwaneni yiPakana yamaThuluso wabeNtwana. Ngaphambi kokusetjenziswa kwepakana le abonohlalakhule babuza umntwana imibuzo eqakathekileko ngekuliso yakhe nendlela yokuphila, ilwazeli liqakatheke khulu kinofana ngimuphi umlandu, kodwana kwakubudisi ukwenza abantwana bakhulume ngokutjaphuluka nabaqalene nomuntu otjhili mayelana neendaba ezithinta nezitjhidlene khulu nemizwa.

Ukulethwa kwepakana le, eneencwadi

OFFICE OF THE FAMILY ADVOCATE PROTECTING THE BEST INTERESTS OF CHILDREN

There are thousands of children in the country who are affected everyday by legal custody battles, mediation or child abduction. These circumstances make children vulnerable and affect them in many ways. The Office of the Family Advocate, located in the Department of Justice and Constitutional Development, is driven by the need to protect the rights of children whose parents are in dispute.

A FAMILY RESTORED

Two young siblings from Mabopane in Gauteng now have a chance to live a healthy and happy childhood due to the assistance from the Garankuwa district Office of the Family Advocate (OFA).

Simphiwe Lamola (7)* and his younger sister, Namhla (5) were recently reunited with their father, Ernest Lamola, who sought assistance from the OFA. The children had been in the custody of their mother, Siphokazi, after the couple split in 2013. During this time, Simphiwe and Namhla did not attend school regularly.

Fearing she would lose her children, Siphokazi was assured by the family counselor that the mediation between her and her ex-husband would ensure that the wellbeing of the children would be put first. Both parents agreed to work out a way to best support and meet the best interests of their children together.

A mediation session was held by the Office of the Family Advocate. The matter was resolved by the parents, with the assistance of the counselor, within a few hours. As a result, the children are now living with their father, and visit their mother regularly.

*The names of the family members were changed to protect their identity.

WHAT IS THE OFFICE OF THE FAMILY ADVOCATE?

A Family Advocate is an unbiased Family Law specialist who assists parental parties to reach an agreement on disputes regarding the care and contact of children through mediation.

YOU MAY CONSULT THE OFFICE OF THE FAMILY ADVOCATE IF:

- There is a dispute regarding contact or care of a child.
- A person wants to draft a parental rights and responsibilities agreement.
- They want to register their parental rights and responsibilities agreements.
- A person wants to amend or terminate parental rights and responsibilities agreements registered with the Family Advocate.

- There is a dispute on whether the unmarried father of the child born out of wedlock has satisfied the requirements which makes him eligible to acquire full parental rights and responsibilities in terms of the law.
- Courts also make orders that the Family Advocate has to conduct an inquiry as to what is in the best interest of the child.

The Family Advocate can amend or terminate parental rights and responsibilities agreements registered by the Family Advocate's office. This means that the parties do not have to go to court if they want to amend the agreement when the need arises.

In the process of consulting, if the parties reach agreement on disputed issues the matter does not proceed to trial, thereby saving legal costs and time.

Courts or Judicial officers are required by law to consider the report and/or recommendations of the Family Advocate when making a decision as to what is in the best interest of the minor child.

Courts will not readily give a decree of divorce where there is a dispute regarding minor children without the report or recommendations of the Family Advocate.

BENEFITS OF CONSULTING WITH THE FAMILY ADVOCATE

Parental rights and responsibilities agreements or parenting plans registered with the Family Advocate have the same legal effect as an order of court.

QUICK FACTS

- The Family Advocate cannot become involved in any matter that has already been **finalised by the Court**.
- The Family Advocate cannot be subpoenaed to Court **as a witness** to give evidence on behalf of any party even if his/her recommendation is in favour of that party.
- The recommendation of the Family Advocate is intended to **assist the Court** in adjudicating a matter and arriving at a particular order. The recommendation itself is not enforceable unless incorporated in a Court Order.
- The Family Advocate is a **neutral institution** and cannot act as a legal representative.

CONTACT THE OFFICE OF THE CHIEF FAMILY ADVOCATE ON 012 357 8022

zemibala, amakhayoni, imigwalo yemindeni nabantu abanomusa, kunikela umntwana amathuluso angawasebenzisa ukuphendula imibuzo kanohlalakhule ngaphandle kwevalo. “Tinqunto zayo zihle begodu zinikela um-

landu ihlathululo eyamukelekako,” kwatjho u-Adv Seabi-Mathope.

UmNyango wezobuLungiswa nokuVuselelwa kweeMilo ukhuthaza imiphakathi ukusebenzisa i-Ofisi le.

Iminigwana yama-Ofisi weemfunda wamaGcwetha wemiNdeni:

IGcwetha lomNdeni eliKhulu:

Adv Petunia Seabi-Mathope
umtato: 012 357 8022,
Iposommoya:
NationalOffice-FA@justice.gov.za
Isiphande: 329 Pretorius
Street, Momentum Building, West
Tower, Pretoria

E-Bloemfontein, eFreyistata:

Adv. L.M. Sangqu
Umtato: 051 447 1115, Iposommoya:
Bloemfontein-FA@justice.gov.za
Isiphande: 163 A Nelson
Mandela Drive, 2nd Floor Sanlam
Building, Bloemfontein

**EKapa,
Tjingalanga Kapa:**
Adv. S. Ebrahim

Umtato: 021426 1216, Iposommoya:
CapeTown-FA@justice.gov.za
Isiphande: 55 Union Castle
Building, 10th Floor, c/o House
Street & St George's Mall, Cape
Town

E-Durban, KwaZulu-Natala:

Adv M. C. O'Gorman
Umtato: 031310 6500,
Iposommoya: Mogorman@justice.gov.za
Isiphande: 143 Margaret
Mncadi Ave, 15th Floor Maritime
House, Durban

EMonti, Buffalo City, ePumalanga Kapa:

Adv. K Gounden
Umtato: 043- 722 8866/7, Iposommoya:
East London-FA@justice.gov.za
Isiphande: 29 St Peters

Road, Southernwood, East London

E-Johannesburg, eGauteng:

Adv. N. Thokoane
Umtato: 011333 3724, Iposommoya:
Johannesburg-FA@justice.gov.za
Isiphande: 94 Pritchard
Street, 13th Floor, Schreiner
Chambers, Johannesburg

E-Kimberley, eThlagwini Kapa:

Adv. P.M. Molokwane
Umtato: 053 833 1019/63, Iposommoya:
Kimberly-FA@justice.gov.za
Isiphande: 5th Floor,
New Public Building (Magistrate
Court), c/o Knight & Stead Street, Kimberly

E-Mafikeng, Mmabatho, eThlagwini Tjingalanga:
Adv. B. Makganyoha

Umtato: 018 388 9500, Iposommoya:
Mafikeng-FA@justice.gov.za
Isiphande: 461/805 Steve
Biko Drive, Unit 2, Mmabatho

EMbombela, eMpumalanga:

Adv. B. Mkhize
Umtato: 013 752 2755, Iposommoya:
Nelspruit-FA@justice.gov.za
Isiphande: No 3 Marloth
Street, Nelspruit

E-Polokwane, e-Limpopo:

Adv. M.E. Khesa
Umtato: 015 291 1730, Iposommoya:
Polokwane-FA@justice.gov.za
Isiphande: Wyndom
Park Building, 23 Rabie Str,
Polokwane

Ukufakelwa Imali kwamaKhoti wemiLandu emiNceni weSewula Afrika

Noluthando Mkhize

AmaKhoti wemiLandu emiNceni ngelizweni mazombe azokuthuthuka ngesizo lesivumelwano hlangana noRhulumente weSewula Afrika nelizwe le-Switzerland (i-Swiss Confederation).

Isivumelwanesi, esathoma ngomnyaka wee-2007, siphunyelelwa ngeengaba ezimbili. Kwanikelwa ngeengidi ezi-R4,5 esigabeni sokuthoma, esasebenza ukufikela ngomnyaka wee-2011 saqala ukuthuthukisa ukusebenza kuhle kwamaKhoti wemiLandu emiNceni.

Isigaba sesibili sathoma ngoNtaka wee-2011 ukuya kuMhlolanga wee- 2015, kwangezelelwa ngemali eziingidi ezili-R10.

Ukuya ekupheleni kwesigaba sesibili, i-Swiss Confederation yanikela ngokulula isivumelwano ngeenyanga ezilitjumi, ukuphela ngoNobayeni ngomnyaka wee-2015, kwange-

zelelwa ngeengidi ezintathu.

Ukusukela iphrojekthi le yathoma sekuvulwe amaKhoti wemiLandu emiNceni ama-331 khulukhulu emiphakathini eyadinywa amathuba, emadorobheni wemakhaya neenkomplasi.

Amahlelo womhlahlandlela wamaKhoti wemiLandu emiNceni enzelwe abonobhala bekhoto, nabokomitjhinara agadangiswa bekayasatjalaliswa. Njenganje iyabuyekizwa ilungisiswe begodu kubandulwa abonobhala abama-270 nabokomitjhinara abama-487.

Abokomitjhinara abalalela imilandu emakhoto la bakhethwa esibalweni sabasebenzi bezomthetho abanelemuko neemfundiswa abanikela ngesizo labo simahla.

Nakethula iKulumo yakhe yamhlapha yeSabelo seeMali, uNgqongqotjhe wezoBulungiswa nokuVuselelwa kweeMilo u-Michael Masutha, wathi amaKhoti wemiLandu emiNceni aqakathekile kobana abantu bafumane ubulu-

ngiswa msinya nangaphandle kweendleko.

Wathi, “Isibalo samaKhoti wemiLandu emiNceni sandiswa ukusukela kama-68 ngomnyaka wee-2009 ukufikela kama-340 ngomnyaka wee-2014 ukuya kwee-2015. Sibandamele ukufikela emnqopheni wama-384, ekuyikhoti yinye esiyingini sikamarhastrada ngamunye”. AmaKhoti wemiLandu emiNceni asetjenziselwa ukuqalana nemilandu emincani hlangana nababangako ngaphandle kokujanyelwa ligcwetha. Lokhu kwenziwa ngokukhulumisana.

Imali engasingaphezulu kwee-R15 000 ingatleyinywa eKhoti yemiLandu emiNceni. Ngaphambi komnyaka wee-2010, AmaKhoti wemiLandu emiNceni gade aqalana nemilandu yemali encani eziinkulungwana ezilikhomba nangaphasi kwenanelo.

Amagunya wamakhoti la akhuliswa ukufikela ee-R15 000 ukusukela ngoSihlaba-

ntakana 2014.

Nofana ngubani angasebenzisa iinsiza ze-Khoti yemiLandu emiNceni simahla, umuntu ubhadela kwaphela imali yeSherifu.

UmNyango unqophele ukuba namakhoti afana nala kizo zoke iyingi zabomarhastrada ngelizweni mazombe.

Nawufuna ilwazi elinabileko ungathintana no-Ksz. Funeka Thema

(Umtato: 012 357 8236) nanyana

Ksz. BS Sithole (Umtato: 012 357 8258)

Inomboro yeFeksi: 086 500 5549

16th Floor, East Tower

Momentum Building, Pretoria

Ukufumana i-SCC eseduze nawe, vakatjhela ku:

http://www.justice.gov.za/scc/scc_courts.htm